

立杜賣盡根契字人社養灣仔庄陳助有承先父陳木明買過張家水田壹段址在西尾掘下埤仔脚東至坑西至小圳南至大圳北至坑帶竹木菓子在內四至界址明白爲界經官丈叁分肆厘壹毫捌絲逐年配納稅金四拾玖錢正帶圳水灌溉充足今因乏銀費用愿將此田出賣先盡問房親人等俱不欲承受外托中引就向與后埔仔庄張拱照官出首承買三面議定時值價銀壹佰拾壹大員平重柒拾柒兩柒錢正其銀即日全中交收足訖其水田隨即踏明界址交付與銀主前去掌管起耕招佃收租納稅永爲己業保此田係助承先父明買之業與別房親人等無干亦無重張典掛他人財物以及上手來歷交加不明等情如有此情賣主抵當不干買主之事自此一賣千休根株永斷日後子孫永不敢言找贖之理亦不敢異言生端滋事此係二比甘愿各無反悔口恐無憑今欲有憑立杜賣盡根契字壹紙併帶上手契式紙官丈單壹紙付執爲照

即日全中見交收過盡根契內佛銀壹佰拾壹大員平重柒拾柒兩柒錢完足再照



代筆人張君彥 (花押)

爲中人陳容 (花押)

知見人妻劉氏 (花押)

明治叁拾四年拾貳月

日立杜賣盡根契字人 陳助 (花押)